



Rimnada sistemática da dretg communal dalla Vischnaunca da Sagogn

Nummera **0290.02.01**

Tetel **Uorden da clavs**

Ediziun Ediziun dils 18.02.2024

Ediziun dils 16.04.2015

Ediziun dils 07.12.2012

Ediziun dils 10.10.2005

Valeivel 05.03.2024

Remarcas preliminaras

Ord motivs da simplificaziun serefereschan indicaziuns da personas, funcziuns e mistregns en questa publicaziun uffiziala mintgamai sin tuttas schlatteinas, expriu sch'igl ei stipulau explicit zatgei auter.

Davosa correctura informala 10.03.2024 tras Thomas Candrian

Cuntegn

I. Intent	3
II. Diever permanent	3
III. Diever a cuort temps	4
IV. Responsablads	4
V. Stipulaztiuns finalas	5

Sebasond sin la lescha per diever da localitads art. 24 relai la suprastonza communal suandont uorden per las clav dallas localitads ed ils imponts publics.

I. INTENT

Intent

Art. 1

¹ Quei uorden regla las cumpetenzas per l'access a localitads communalas sco er ils dretgs e las obligaziuns dallas possessuras e dals possessurs dallas clav.

**Responsabladad
dalla canzlia**

Art. 2

¹ Sin incumbensa dalla suprastonza ei la canzlia il post responsabel per las clav. Mo ella astga pustar novas clav e midar las clav existentas. Midadas vid stabiliments da serrar astgan vegnir fatgas mo sin incumbensa dalla suprastonza communal.

² L'administraziun, il dar ora ed il retrer clav vegn exequius en moda autonoma dalla canzlia. Ei vegn fatg in protocol d'emissiun che cumpeglia tut las clav. L'adresa, la nummera da telefon, il datum d'emissiun e la sottascripziun per retrer e per restituir vegnan registradas en quei protocol.

³ La canzlia ei autorisada da prender ordinaziuns e da dar directivas.

II. DIEVER PERMANENT

Basa

Art. 3

¹ Mintga persona naturala ni giuridica che fa regularmein exercizis ni trenaments en locals communalas sa pretender ina clav. La clav vegn dada encunter in deposit da fr. 20.-. Emploiai dalla vischnaunca e dil consorzi da scola sco era personas uffizialas ein deliberadas dil deposit, schilunsch ch'ei drova ina clav per lur activitads.

² Sch'ina uniun (instituziun, gruppaziun) consista da pliras gruppas ni squadras san pliras clav vegnir retratgas per las medemas cundiziuns.

³ En cass motivai sa la canzlia refusar da dar ora ina clav ni pretender anavos la clav. Art. 27 dalla lescha davart l'utilisaziun dallas localitads vala per quels cass.

Midadas

Art. 4

¹ Midadas personalas enteifer l'organisaziun han automaticamein per consequenza ina nova procedura d'emissiun da clav. Dar vinavon la clav senza quella ei buc lubiu.

III. DIEVER A CUORT TEMPS

Principi

Art. 5

¹ Sch'ella ha ina lubientscha corrispudenta sa mintga persuna naturala ni giuridica pretender dal'administraziun communal ina clav.

² Ina tala emissiuon da clav cuoza maximalmein 2 jamnas. Davart excepziuns decida la canzlia.

³ Per retratgas a cuort temps drova ei negin deposit. Igl artechel 2 vegn applicaus.

IV. RESPONSABILDADS

Responsabilidad

Art. 6

¹ Tgi che survegn ina clav e suttascriba per quei intent il protocol d'emissiun stat bein per tut las consequenzas che seresultan ord dil possess dalla clav.

² Quella persuna ei responsabla:

- a) per l'utilisaziun dalla localitad e dils indrez tenor las reglas
- b) da tener en las prescripziuns dallas leschas
- c) da haver quitau dalla clav ch'ella vegn buc engulada ni nezzegiada senza lubientscha
- d) ch'ei vegn buc fatg copias dallas clav
- e) d'informar en cass ch'ina clav ei svanida
- f) da dar anavos la clav senza dumonda alla canzlia, schispert ch'ella vegnan buc pli duvrada

³ En cass ch'ina clav va a piarder ni ch'ei vegn cunterfatg ad alinea 2 vegnan ils cuosts per midar cilindars, novas clavs eav. mess a quen al responsabel.

Deposit**Art. 7**

¹ Il deposit vegn pagaus al furnitur dalla clav encunter ina quittance, nun ch'ei dettia in motiv per la scadenza.

² Il deposit vegn buc restituius en suandonts cass:

- a) Cunterfar allas perscripziuns
- b) Nezzegiar las localitads senza lubientscha
- c) Spedita dalla clav

V. STIPULAZIUNS FINALAS**Controllas****Art. 8**

¹ La canzlia sa far controllas periodicas.

Entrada en vigur**Art. 9**

¹ Quei uorden entra en vigur cun l'approbaziun dalla suprastonza communal.

² Quei reglament remplazza tut ils reglaments vertents.

Ediziun approvada dalla Suprastonza communal ils	05.03.2024
Ediziun approvada dalla Radunonza communal ils	-
Ediziun approvada dalla Regenza dil cantun GR ils	-